



Republika e Kosovës

Republika Kosova - Republic of Kosovo

Agjencia e Kosovës për Akreditim
Agencija Kosova za Akreditaciju
Kosovo Accreditation Agency



Data: 10/01/22 Ref.: 26/22

Në mbështetje të nenit 8 dhe 12 të Ligjit për Organizimin dhe Funkcionimin e Administratën Shtetërore dhe të Agjencive të Pavarura Republikës së Kosovës Nr.06/L-113 (Gazeta Zyrtare Nr.07/01 mars 2019), Ligjit për Procedurën e Përgjithshëm Administrative Nr. 05/L-31 (Gazeta Zyrtare Nr.20/12 Qershor 2016), Ligjit për Arsimin e Lartë në Republikën e Kosovës Nr. 04/L-037 (Gazeta Zyrtare Nr.14/9 Shtator 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Manualit për Akreditimin e Institucioneve të Arsimit të Lartë, dhe të Vendimit të KShC-së, nr. 3236/21D të datës 21.09.2021; Këshilli Shtetëror i Cilësisë (KSHC), në mbledhjen e 94-të, të mbajtur më 21 dhjetor 2021, mori:

V E N D I M

- I. Refuzohet kërkesa e Universitetit të Pejës “Haxhi Zeka”, Nr 3485/21H, datë 29.10.2021 për riakreditim të programit të studimit, si më poshtë:
 - Teknologji Ushqimore, BSc 180 ECTS, (Ri akreditim)
- II. Refuzohet specializimi i programit të studimit Menaxhim Biznesi BSc 180 ECTS, (Ri akreditim)
 - Kontabilitet dhe Auditim
- III. Ky vendim hyn në fuqi me nënshkrimin e tij.

A r s y e t i m i

Universitetit i Pejës “Haxhi Zeka ka parashtruar kërkesë (Nr 3485/21H, datë 29.10.2021), në Agjencinë e Kosovës për Akreditim për akreditim të programit të studimit: Teknologji Ushqimore, BSc 180 ECTS dhe të specializimit Kontabilitet dhe Auditim të programit të studimit Menaxhim Biznesi BSc 180 ECTS. Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), KShC në mbledhjen e mbajtur me 21 dhjetor 2021 ka trajtuar aplikacionin e Universitetit të Pejës “Haxhi Zeka”. Në pikën 1.2 të nenit 10 të UA për Akreditim, thuhet, “Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike se bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për

aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së”.

Këto të dhëna janë prezantuar në mbledhjen e KSHC-së të mbajtur me 21 dhjetor 2021, dhe pas shqyrtimit të dosjes për secilin staf akademik, KShC mori vendim që të refuzojë pjesërisht aprovimin e aplikacionit të Universitetit të Pejës “Haxhi Zeka”. Bazuar në nenin e referuar më sipër KShC ka verifikuar të gjithë dokumentacionin relevant të kualifikimit të stafit akademik për programet e studimit.

- **Për programin e studimit:** Teknologji Ushqimore, BSc 180 ECTS, si bartës të këtij programi, ka paraparë këta persona: Arsim Elshani (Bioteknologji Ushqimore), Ibrahim Hoxha (Bioteknologji Ushqimore) dhe Nexhdet Shala (Agrikulture dhe Ambient – Prodhimtari Bimore).

Sipas nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Ky program ka 180 ECTS, dhe rrjedhimisht sipas nenit 26, pika 5.3.4 e Udhëzimit Administrativ për Akreditim, për këtë program të studimit të Universitetit të Pejës “Haxhi Zeka”, duhet të ketë të paktën tre staf akademik me gradën shkencore *PhD* me marrëdhënie të rregullt të punës nga fusha e programit të studimit.


Pas verifikimit të dokumentacionit për stafin akademik, u konstatua që Nexhdet Shala, PhD në Bujqësia dhe Mjedis, nuk është i fushës dhe si rrjedhojë nuk i plotëson kriteret për të qenë bartës i këtij programi.

- **Për specializimin:** Kontabilitet dhe Auditim, i programit të studimit Menaxhim Biznesi BSc 180 ECTS, si bartës të këtij programi, ka paraparë këta persona: Halit Shabani (Sigurimet), Husnija Bibuljica (Shkenca Ekonomike), Alma Shehu Lokaj (Ekonomi – Menaxhement), Vjosa Hajdari (Shkenca Ekonomike), Suada Ajdarpašić (Ekonomiks), Suada A. Džogović (Shkenca Politike), Anita Cucović (Planifikim) dhe Driton Sylqa (Ekonomi dhe Marrëdhënie Ekonomike Ndërkombëtare).

Sipas nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Bazuar në nenin e referuar më sipër KShC ka verifikuar të gjithë dokumentacionin relevant të kualifikimit të stafit akademik për këtë specializim dhe ka konstatuar se asnjë nga bartësit e programit nuk e mbulon fushën e specializimit “Kontabilitet dhe Auditim”. Andaj bazuar në faktet e prezantuara me sipër, të sqaruara me lartë, KSHC erdhi në përfundim që ky specializim nuk i plotëson kushtet për aprovim, dhe mbi këtë bazë, vendosi ta refuzojë aprovimin e specializimit Kontabilitet dhe Auditim.

Këshillë juridike: Kundër këtij vendimi mund të paraqitet ankesë sipas Nenit 125 dhe 126 të Ligjit mbi Procedurën e Përgjithshme Administrative (Nr. 05/L-031, datë 25 Maj 2016). Pastaj, ankesa kundër këtij akti administrativ i dorëzohet organit të Komisionit të Ankesave të AKA-së, sipas Rregullores nr. 2/2019, në afatin prej 30 ditëve nga data kur pala është njoftuar për aktin administrativ sipas Nenit 127 të Ligjit.


Prof. Ass. Dr. Hasrija Ilazi
Kryetare e Këshillit Shtetëror të Cilësisë



Vendimi iu dërgohet:

- Universitetit të Pejës “Haxhi Zeka”;
- MASHTI;
- Arkivit të AKA-së.